

sie sind lebendig / andere Metall aber
sind tod / vnd haben keine Krafft / als
im Codice veritatis, vnd andern mehr /
klarlich zu ersehen.

Nach diesem aber / dieweil ich mit
meinem Gesellen nicht feyern fonte/
hindangesezt / wie offt mirs vmbge-
schlagen war / arbeiteten wir (dieweil
wir nun die Handgriff selbst gelernet /
vnd wol kunden) so hefftig / daß nicht
geglaubet werden kan / vnd viel zu lang
werden wolt / allhie zu erzehlen. Vnd
vnter andern namen wir vns für zu a-
malgamiren vnd multipliciren / auff
weiß vnd roht / vnd legten vns auff sel-
bame Arbeit / die ich glaub kaum selbs-
amer zu erdencken seyn / wie wir ihm aber
thäten / funden wir doch nimmermehr
vnsere Silber oder Gold augmentiret
oder gemehret / weder mit dreyen / zweyen
en / einem / oder halben Theil.

Derhalben namen wir vns nun erst
für noch ferner zu reisen / durchzogen
manch Land vnd Stadt / also daß ich
mit den jekigen vnd vorigen Reisen / der
Kunst

7.
Amalgama-
tiones &
Multipli-
cationes.

Peregrina-
tiones Au-
toris.